

BESTELAKO XEDAPENAK

ETXEBIZITZA, HERRI LAN ETA GARRAIO SAILA

4524

AGINDUA, 2012ko urriaren 10ekoa, Etxebizitza, Herri Lan eta Garraioetako sailburuarena, jarduera uztea dela-eta bidaiarien eta salgaien sektore publikoarentzako laguntza-programa bat ezartzen duena.

Garraiolari autonomoen adin handia da errepidez egiten den garraio publikoaren sektoreari eragiten dion problemetariko bat. Hori dela-eta, sail honek uste du egoki dela adin handiko profesionalak lanbide uztea sustatzea, hain zuzen ere errepide bidezko garraio publikoaren sektorean bizitza profesional gehiena egin duten profesionalen dagokienez; eta hartarako, beharrezko baliabideak jarriko dira.

2012. ekitaldian, honako sektore hauei atendituko zaie: ibilgailu arin eta astunetan errepidez egiten salgaien garraio publikoa; eta autobusez egiten den bidaiarien garraio publikoa; izan ere, sektore horietan, adin handiko garraiolari askok ez dute beharrezko baliabiderik jarduera lagatzeko, beraz aipatu laguntzek funtzioa soziala baino ez dute egiten. Hasiera baten, honako garraiolari hauek sartuko dira: ezgaitasun iraunkor absolutua edo erabatekoa aitortua dutenak, eta bai baliaezintasun handia aitortua dutenak ere.

Herritarrei Administrazioarekin dituzten harremanak errazteko, eta laguntzen barne-kudeaketa eraginkorrago egiteko, prozedurako izapideak telematikorik egiteko aukera garatu da, Administrazio Elektronikoari buruzko otsailaren 21eko 21/2012 Dekretuan ezarritakoari jarraituz (EHAA, 50. zenbakia, 2012ko martxoaren 9koa). Eta agindu honetan izapidetze horren xehetasun guztiak jaso dira.

Euskal Autonomia Erkidegoko Garraio Iraunkorraren Plan Zuzentzailearen helburu, estrategia eta jarduera-lerroekiko kontsekuentea da laguntza-programa hau, hain justu ere garraio-sektorearen funtsezko elementuari –garraiolariari– eragiteari dagokionez,

Ondorioz, Etxebizitza, Herri Lan eta Garraio Sailaren egitura organiko eta funtzionala ezartzen duen azaroaren 24ko 607/2009 Dekretuaren 4.1 artikulua ematen didan aginpidea erabiliz, eta Euskadiko Ogasun Nagusiaren Antolarauari buruzko Legearen Testu Bateginaren –azaroaren 11ko 1/1997 Legegintzako Dekretuaz onartutakoaren– VI. titulua eta VII. tituluko II. eta III. kapituluak, eta Euskal Autonomia Erkidegoaren Aurrekontu Orokorren kontura ordaindu beharreko laguntza eta diru-laguntzei aplikatu beharreko gainontzeko xedapenak kontuan harturik, hau

EBAZTEN DUT:

1. artikulua.– Helburua.

1.–Agindu honen helburua honako erregimena arautze da: adin handiko garraiolariak, ezgaitasun iraunkor absolutua edo erabatekoa aitortua dutenek eta baliaezintasun handia aitortua dutenek lanbidea uztea sustatzeko laguntza-erregimena, hain justu ere.

2.–Agindu honetan aurreikusitako laguntzak emateko lauhun eta hogeita hamar mila (430.000) euroko diru kopurua baliatuko da, Euskal Autonomia Erkidegoaren Aurrekontu Orokorretan horretarako izendatutako kontu-sailetatik hartuta.

Adierazitako zenbateko globala gehitu ahal izango da, betiere diru-laguntzak esleitzeko prozedura ebatzi baino lehen, aurrekontua loturaren arabera kontuan izanik eskatutako laguntzen guztizko zenbatekoa; eta horretarako Etxebizitza, Herri Lan eta Garraio Saileko beste programa batzuk exekutatzetik ondorioztatzen aurrekontu-baliabideak edo aurrekontu aldaketak onartzearen ondoriozko baliaabideak erabili ahal izango dira. Zirkunstantzia hori jazoz gero, Garraioetako zuzendariaren ebazpen bidez hura publiko egingo da.

2. artikulua.– Pertsona onuradunak.

Eskabideak aurkezteko datan edo, egoki bada, 2012ko urtarrilaren batean, honako eskakizun hauek betetzen dituzten pertsonak izan daitezke agindu honetan araututako laguntzen onuradunak:

a) 2007ko urtarrilaren 1a baino lehenagotik, helbidea Euskal Autonomia Erkidegoan izatea.

b) 58 urtetik 64 urtera (biak barne) bitarteko adina izatea, edo ezgaitasun absolutua edo erabatekoa edo baliaezintasun handia aitortua izatea.

c) Azken hamar urteetan etenik gabe, gehienez ere hiru kopiarekin autobusaren bidezko bidaiariaren edo salgaien garraio publikorako indarreango baimen baten titular izatea; edo bi horiek batera izatea, gehienez ere hiru kopiarekin. Baimen hori sekula eten gabekoa izan beharko du, eta gutxienez indarreango kopia bat izan beharko du. Hala ere, baimenaren titulartasunean edo indarraldian eten bat permitituko da, gehienez ere hiru hilabetetik pasako ez den epe batez. Ondorio horiei dagokienez, eskabidea aurkezterakoan birgaiturik badaude, bisatu falta dela-eta iraungitako baimenak indarrean izan direla ulertuko da.

Trakzio propiodun ibilgailuei (barne direla TD motakoak) dagokienez, 2007ko apirilaren 16a baino lehen, onuradunaren titulartasunpeko diren baimenak, salgaien garraio publikorako direnak, zehazki, estatuko, eskualdeko edo tokiko eremukoak direnak baimen baten kopia gisa zenbatuko dira.

Onuradunaren titulartasunpeko ibilgailuari dagokionez, 1998ko uztailaren 1a baino lehen bidaiariaren garraio publikorako diren baimenak, zehazki, estatuko, eskualdeko edo tokiko eremukoak direnak baimen baten kopia gisa zenbatuko dira.

d) Gizarte Segurantzako langile autonomoentzako erregimena alta emanda egotea, hain justu ere azken hamar urteetan etenik gabe; gehienez ere, hiru hilabetetik pasatzen ez den eten bakarra onartuko da.

Ezgaitasun absolutuak edo erabatekoak edo baliaezintasun handiak eragiten dien eskatzaileen kasuari dagokionez, halakorik aitortu zainetik hara zenbatuko da aipatutako hamar urteko epea.

e) 2012. urtean, errepidez bidaiariak edo salgaiak garraiatzeko jarduera uzteko konpromisoa hartzea; betiere, bere titulartasunpeko garraio-baimenei behin betiko uko eginez. Jarduerarik berriz ekinez gero, jasotako laguntzak edo tokatzen diren interesak itzultzeko obligazioa izango du.

f) Diru-laguntza edo laguntza publikoak eskuratzea eragozten duen zehapen penalik edo administratiborik ez izatea, ez eta horretarako legezko inolako debekurik ere (Emakumeen eta Gizonen arteko berdintasunerako otsailaren 18ko 4/2005 Legearen seigarren azken xedapenenean xedatutakoaren araberrako sexu-diskriminazioaren ondoriozko debekuak barnean hartuta daude).

g) Zerga-betebeharrak eta Gizarte Segurantzarekikoak egunean izatea.

3. artikulua.– Laguntzak elektronikoki izapidetzea.

1.– Administrazio Elektronikoari buruzko otsailaren 21eko 21/2012 Dekretuak arautzen du izapidetze elektronikoa.

2.– Nahi dutenek baliabide elektronikoen bidez egin ahal izango dituzte eskaera, kontsultak eta prozedurako izapide guztiak.

Laguntza hauek izapidetzeko baliabide elektronikoak erabiltzeko zehaztasunak euskadi.neteko atal honetan jarriko dira: http://www.euskadi.net/r33-2288/es/contenidos/ayuda_subvencion/abandono_2012/es_abandono/abandono_2010.html

Eskabideak egiteko eta agiriak aurkezteko baliabide elektronikoak eta telematikoak erabiltzeak ez dakar prozedurako hurrengo izapideetan haiek erabili beharra, eta aldaketa hori edozein unetan egin daiteke.

4. artikulua.– Eskabideak aurkezteko epea eta lekua, eta aurkeztu beharreko dokumentazioa.

1.– Eskabideak Euskal Autonomia Erkidegoko Administrazioako Garraio Zuzendaritzari zuzendu beharko zaizkio (Donostia kalea 1, 01010 Gasteiz); eta bertatik bertara, Eusko Jaurlaritzaren Herritarrentzako Zerbitzuetan aurkeztu ahal izango dira; edo, bestela, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan aurreikusitako organoetan aurkeztu ahal izango dira; betiere, normalizatutako arauzko orrian eta behar bezala beteta. Eskabidearen eredia agindu honen I. eranskinean dator, eta garraioen arloan eskumena duen organoak euskadi.neten barruan duen egoitza elektronikoak ere eskuratu ahal izango da.

Era berean, baliabide elektronikoak ere erabili ahal izango dira eskabideak eta gainerako agiriak aurkezteko. Informazioa, prozedura eta eskakizunak egiaztatzeko era garraioen arloan eskumena duen organoaren egoitza elektronikoan jarriko dira eskura, 3. artikuluan izapidetze elektronikorako aurreikusitako zehaztapenetan garatutako prozedura eta jarduketei jarraituz. Eskabidearen ondorengo izapideak, baliabide elektronikoa erabiltzekotan, www.euskadi.net/nirekudeaketak web-gunearen bidez egingo dira.

2.– Eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta biharamunetik kontatzen hasita.

3.– Aginduan araututako laguntzak eskuratzeko dokumentazio hau aurkeztu beharko da:

a) Eskaera-orria, behar den moduan beteta.

b) Eskatzailearen nortasun agiri nazionalaren fotokopia.

c) Eskatzailea Euskal Autonomia Erkidegoan erroldaturik dagoela egiaztatzeko agiria, noiztik erroldaturik dagoen jasotzen duena.

d) Azken hamar urteetan etenik gabe, gehienez ere hiru kopiarekin autobusaren bidezko bidaiarien edo salgaien garraio publikorako indarreango baimen baten titular izana egiaztatzeko agiria, Foru Aldundiak emana, edo, halaber, bi horiek batera izana, gehienez ere hiru kopiarekin.

e) Azken hamar urteetan, Gizarte Segurantzako langile autonomoentzako erregimenean alta emanda egon izanari buruzko egiaztageria,

f) Beharrezkoa bada, ezgaitasun absolutua edo erabatekoa edo baliaezintasun handia aitortua izateari buruzko egiaztageria.

g) Hirugarrenen alta edo horren aldaketaren fitxa, Ekonomia eta Ogasun sailak ezarritako ereduaren arabera; betiere, lehengoaz aurkezten diren edo banku-datuak aldatuak dituzten eskatzaileei dagokienez.

4.– Eskatzaileek nahi duten hizkuntza ofizialean aurkeztu ahal izango dute laguntza-eskabidea eta beharrezko dokumentazioa. Gainera, laguntza-eskabidetik eratorritako jardunetan eta prozedura osoan, eskatzaileak aukeraturiko hizkuntza baliatuko da, Euskararen Erabilera Normalizatzeko azaroaren 24ko 10/1982 oinarrizko Legearen 5.2.a eta 6.1 artikuluetan ezarritakoaren arabera.

5.– Eskabideak aurkeztearekin batera, eskatzaileak berriaz onartu ahal izango du laguntzak kudeatzen dituen organoak dokumentazioaren zati bat eskuratzeko edo egiaztatze aukera, Administrazio Publikoak egiaztapen, kontrol eta ikuskaritzaren alorrean dituen eskumenen kalterik gabe.

6.– Laguntzen eskatzaileek zerga-betebeharrak egunean dituztela egiaztatzen duen dokumentazioa automatikoki egiaztatuko du organo kudeatzaileak, eta horretarako ez du eskatzaileen baimenik behar, Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuaren 50.3 artikulua aplikatuz.

7.– Ondoren zehaztuko diren betebeharrak egiaztatze aski izango da erantzukizunpeko adierazpena eskabidearekin bat aurkeztea; eredia eskabidearekin batera dator:

a) Helburu bererako beste diru-laguntza, laguntza, diru-sarrera edo beste baliabideren bat eskatu dela eta, jaso bada, administrazio edo ente publikoek nahiz pribatuek emanik, horren berri ematea.

b) Ez egotea Euskal Autonomia Erkidegoko Administrazio Orokorra edo haren erakunde autonomoek emandako izaera bereko laguntzen edo diru-laguntzen esparruan hasi den eta oraindik bideratzen ari den itzultzeko edo zigortzeko ezein prozeduratan sartuta.

c) Eskatzailearen erantzukizunpeko adierazpena, diru-laguntza edo laguntza publikoak eskuratzeko eragozten duen zehapen penalik edo administratiborik jaso ez duela eta horretarako legezko inolako debekurik ez duela agertzen dituen (Emakumeen eta Gizonen arteko Berdintasunerako otsailaren 18ko 4/2005 Legearen Azken Xedapenetan Seigarrenean xedatutakoaren arabera sexu-diskriminazioaren ondoriozko debekuak barnean hartuta daude).

Erantzukizunpeko adierazpen batean jasotako datu, azalpen edo dokumenturen bat zuzena ez bada, edo faltsua bada, edo haietako bat falta bada, prozedura etengo da horren berri jakin bezain laster, gerta daitezkeen erantzukizun penal, zibil edo administratiboan kaltetan izan gabe.

8.– Euskal Autonomia Erkidegoko Administrazio Garraio Zuzendaritzak, aurkeztutako eskabidea behar bezala balioesteko beharrezko jotzen duen beste edozein agiri edo argibide eskatu ahal izango du.

4. artikulua.– Kudeaketa-organoa.

Euskal Autonomia Erkidegoko Administrazio Garraio Zuzendaritzaren ardura izango da agindu honetan aurreikusitako laguntzak kudeatzeko lanak egitea.

5. artikulua.– Agirien gaineko okerrak zuzentzea.

Eskatzaileak aurkezturiko agiriek agindu honetan eskatutako baldintzak ez dituztela betetzen ikusiz gero, hala jakinaraziko dio organo kudeatzaileak eskatzaileari, eta hamar egun balioduneko

epea utziko dio, okerrak zuzendu edo behar diren agiriak aurkezteko; gainera, adieraziko dio, hala egiten ez badu, bere eskaria besterik gabe atzera botako duela, ebazpen bidez, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 42. artikuluan ezarritako eran.

6. artikulua.– Zenbatekoa.

1.– Agindu honetan araututako laguntzen zenbateko gorenak honako hauek izango dira:

a) Garraiolariari hirurogeita bost urte betetzeko falta zaion sei hilabeteko epe bakoitzeko lau mila eta ehun (4.100) euro; ibilgailu astunez egindako salgaien garraio publikoari eta autobusez egindako bidaiarien garraio publikoari dagokienez.

a) Garraiolariari hirurogeita bost urte betetzeko falta zaion sei hilabeteko epe bakoitzeko bi mila eta seiehun (2.600) euro; ibilgailu arinez egindako salgaien garraio publikoari dagokionez

c) Ezgaitasun absolutua edo erabatekoa aitortua duen edo baliaezintasun handia aitortua duen garraiolariari hamar mila (10.000) euro.

2. artikuluko gainontzeko betekizunez gain, adinarena eta ezgaitasun absolutua edo erabatekoa edo baliaezintasun handia aitortu izatearena betetzen dituzten onuradunek kopuruz handiena den laguntza jasoko dute.

2.– Sei hilabeteko osoen zenbaketa 2012ko ekainaren 1etik hara egingo da. Aipatu datan, sei hilabete oso baino gutxiago falta badira hirurogeita bost urte betetzeko, ez da emango laguntzarik.

3.– Agindu honen 1.2 artikuluan ezarritako diru kopurua aski ez bada aurkeztutako eskabide guztiei artikuluko honen 1. puntuan jasotako gehieneko laguntza ordaintzeko, ezarritako baldintzak betetzen dituzten eskabide guztien artean banatuko da dirua. Banaketa egiteko, bakoitzari eman beharko litzaiokeenak guztiei eman beharrekoarekiko izango lukeen proportzio berari eutsiko zaio.

7. artikulua.– Bateragarritasuna.

Agindu honekin bat emandako diru-laguntzak bateragarriak dira beste pertsona juridiko eta fisiko batzuek emandakoekin.

8. artikulua.– Diru-laguntza eman, jakinarazi eta argitaratzea.

1.– Diru-laguntzak Euskal Autonomia Erkidegoko Administrazioiko Garraioetako zuzendariaren ebazpenaren bidez emango dira. Ebazpen horrek ez du administrazio-bidea amaituko, eta, beraz, hilabeteko epean gora jotzeko errekurtsioa aurkeztu ahal izango zaio administrazio bereko Garraio eta Herri Lanetako sailburuordeari.

Ebazpena banan-banan jakinaraziko zaie interesdunei, azaroaren 26ko 30/1992 Legearen 58. artikuluan ezarritako modua erabiliz, eta sei hilabeteko epean, agindu honek ondorioak izaten dituen egunetik hasita. Ebazpen horrek zehaztuko du diru-laguntza ematen den ala ukatu egin den; aldekoa bada, onuraduna zein den eta zenbat eman zaion azalduko da, eta kontrakoa bada, ukatzeko arrazoiak.

2.– Aurreko paragrafoan ezarritako epearen barruan ez bada jakinarazten laguntzak esleitzeko ebazpena, eskabideak ezetsiak izan direla ulertu ahal izango dute interesdunek, 30/1902 Legeko 44.1 artikuluan aurreikusitako ondorioei dagokienez.

3.– Laguntzak esleitzeko prozedura amaitzeko ebazpena interesdunei jakinarazteaz gain, onuradunak eta emandako zenbatekoak jasotzen dituen zerrenda Euskal Herriko Agintaritzaren Aldizkarian argitaratuko da.

4.– Agindu honetan berariaz aurreikusi gabekoari dagokionez, honako hauen bitartez eraenduko da dirulaguntzak emateko prozedura: 30/1992 Lega; Euskal Autonomia Erkidegoko Ogasun Nagusiaren Antolarauei buruzko Legearen Testu Bategina onartzen duen azaroaren 11ko 1/1997 Legegintza Dekretua.

9. artikulua.– Ordainketa.

1.– Laguntza emandakoan, onuradunak jarduera laga duela egiaztatzen badu, laguntza osorik ordainduko da, baina hark honako betekizunak konplitu beharko ditu:

Laguntzaren onuradunak uko egin beharko die honako hauei: laguntza ematea eragin zuen baimenari edo baimenei, eta bai bidaiarien eta salgaien garraio publikorako dituen ere; betiere baimen horietan baja hartu izana egiaztatuaz.

Enpresari legez garraio-jarduera behin betiko lagatzeko konpromisoa hartu beharko du, eta, halaber, bere gaikuntza profesionala beste garraio-enpresa bati ez ematekoa ere.

Baimendutako gehieneko 3.500 kg-ko masatik gorako ibilgailuak edota autobusak gidatzeko baimen balioduna badu, trafiko zuzendaritza egokian uko egin beharko dio hari; eta hori, gida-baimen berriaren fotokopiaren bitartez justifikatu ahal izango da.

2.– Diru-laguntza eskuratzeko eskakizun guztiak betetzen dituztela egiaztatzeko agiriak 2012ko abenduaren 31 baino lehen aurkeztu beharko dira.

10. artikulua.– Onuradunen betebeharrak.

1.– Agindu honetan azaltzen diren diru-laguntzak eskuratzen dituztenek honako betebeharrak izango dituzte kasu guztietan:

a) Diru-laguntza eskuratzeko beharrezko diren eskakizun eta baldintza guztiak betetzen dituztela egiaztatu beharko diote diru-laguntza eman behar duen Administrazioari.

b) Emandako diru-laguntza onartu beharko dute. Diru-laguntzaren berri ematen dien jakinarazpena jaso, eta hamabost eguneko epean onuradunek idatziz uko egiten ez badiote, onartu egiten dutela ulertuko da.

c) Diru-laguntza, eman zaion horretarako erabili beharko du.

d) Helburu bererako beste laguntza edo diru-laguntzaren bat lortu badu, lortu duela eta nork eta zenbat eman dion jakinarazi beharko dio Euskal Autonomia Erkidegoko Administrazioako Garraio Zuzendaritzari.

e) Kontrol Ekonomikoko Bulegoak eta Herri Kontuen Euskal Epaitegiak, beren eginkizunetan dihardutela, deialdi honen kontura jasotako diru-laguntzen inguruan eskatzen dieten informazioa ematea.

2.– Artikulu honen 1.e) puntuan adierazitako organoen ahalmena gora-behera, Euskal Autonomia Erkidegoko Administrazioako Etxebizitza, Herri Lan eta Garraio Sailak diru-laguntza jaso duen jarduerari buruz bidezko jotzen dituen egiaztapen guztiak egin ahal izango ditu.

11. artikulua.– Diru-laguntzaren baldintzak aldatzea.

Diru-laguntza emateko kontuan hartutako egoeraren bat aldatuz gero, edo helburu bererako, onuradunak beste administrazio batzuek edo erakunde publiko nahiz pribatuk emandako laguntza edo diru-laguntzak jasotzen baditu, diru-laguntza emateko ebazpena aldatu egin ahal izango da, betiere deialdi honetan onuradun izateko ezarritako gutxieneko eskakizunak betetzen jarraitzen badu.

12. artikulua.– Diru-laguntzak itzultzea.

Onuradunak agindu honetan, diru-laguntza emateko aginduan edo aplikatu beharreko gainerako arauetan ezarritako baldintzaren bat betetzen ez badu, organo aginpidedunak, onuradunari entzun ondoren, laguntza jasotzeko eskubidea galdutzat deklaratu du, eta, halakorik izanez gero, dagokion diru kopurua Euskal Herriko Diruzaintza Nagusiari itzultzera behartuko du, azaroaren 11ko 1/1997 Legegintzako Dekretuak, Euskal Autonomia Erkidegoaren Aurrekontu Orokorren pentzutan ematen diren diru-laguntzen bermei eta horiek itzultzeari buruzko erregimen orokorra arautzen duen abenduaren 17ko 698/1991 Dekretuak, eta diru-laguntzetarako betebeharrak betetzen direla zaintzeko gainontzeko arauak ezarritakoa betetzeko. Zenbateko horiek diru-sarrera publikotzat joko dira lege-ondorio guztietarako. Horrek guztiak ez du galaraziko, ordea, bestelako zehapenak jartzea, eta kalteengatiko ordainak eta, halakorik izanez gero, erantzukizun penala ere eskatzea.

AZKEN XEDAPENAK

Lehenengoa.– Agindu honen kontra, administrazio-bidea agortzen baitu, interesdunek aukerako berraztertze errekurtsoa aurkeztu ahal izango diote Etxebizitza, Herri Lan eta Garraioetako sailburuari, hilabeteko epean, agindua Euskal Herriko Agintaritzaren Aldizkarian argitaratu eta biharamunetik kontatzen hasita. Bestela, zuzenean administrazioarekiko auzi-errekurtsoa aurkeztu ahal dute, Euskal Autonomia Erkidegoko Justizia Auzitegi Nagusiko Administrazioarekiko Auzitarako Salan, aipatutako aldizkari ofizialean argitaratu eta biharamunetik kontatzen hasita, bi hilabeteko epean.

Bigarrena.– Euskal Herriko Agintaritzaren Aldizkarian argitaratzen den egunaren biharamunetik aurrera izango ditu ondorioak agindu honek.

Vitoria-Gasteiz, 2012ko urriaren 10a.

Etxebizitza, Herri Lan eta Garraioetako sailburua,
IGNACIO MARÍA ARRIOLA LÓPEZ.

I. ERANSKINA

JARDUERA LAGATZEKO LAGUNTZETARAKO ESKABIDE-EREDUA

I.– DENTIFIKAZIOKO DATUAK

a) TITULARRA

Lehen abizena: Bigarren abizena:
 Izena: NAN/AIZ:
 Jaioteguna: Helbide elektronikoa:
 Telefono-zenbakia: Faxe:

edo

IFZ/IFK:
 Erakundearen izena:

b) ORDEZKARIA

Lehen abizena: Bigarren abizena:
 Izena: NAN/AIZ:

I.– HELBIDEA

Helbidea:
 Probintzia: Udalerria:
 Posta-kodea:

III.– BANKUKO DATUAK.

Bankua (4 digitu): Sukurtsala (4 digitu):
 Banku-kontrolaren digitua (digitu 1):
 Kontu-kontrolaren digitua (digitu 1):
 Kontuaren zenbakia (10 digitu):

IV.– ESKABIDEAREN HELBURUA.

Laguntza-mota:

- Ibilgailu astunetan salgaien garraio publikoa.
- Ibilgailu arinetan salgaien garraio publikoa.
- Autobusez bidaiarien garraio publikoa
- Ezgaitasun absolutua edo erabatekoa edo baliaezintasun handia.

V.– JAKINARAZPENERAKO DATUAK

Jakinarazpena egiteko kanala (x batekin markatu egindako aukera)

- Telematikoa
- Posta

Telematikoa bada:

Ohartarazpenak:

Posta elektronikoa:
 SMS:

VI.– JAKINARAZPENAREN DATUAK ZEIN HIZKUNTZATAN JASO NAHI DITUZUN.

- Gaztelania
- Euskera

VII.– ERANTZUKIZUNEZKO DEKLARAZIOAK (Markatu x batekin):

Ez dut xede eta helburu bererako beste administrazio batek edo erakunde pribatu batek emandako laguntzarik jaso, ez ekitaldi honetan, ez aurreko bi urteetan.
edo

Beste laguntza bat ere jaso dut: Zenbatekoa:€. Laguntza eman didan administrazioa:.....
..... Urtea:
edo

Beste laguntza bat eskatu dugu, baina oraindik ebazpena jasotzeko zain nago. Eskatutako laguntzaren zenbatekoa:€. Administrazioa:

Adierazten dut ez dudala jaso diru-laguntza edo laguntza publikoak eskuratzea eragozten duen zehapen administratiborik edo penalik, ezta horretarako legezko inolako debekurik izan ere, sexu-bereizkeriagatiko debekuak barne, Emakumeen eta Gizonen arteko berdintasunerako otsailaren 18ko 4/2005 Legearen amaierako seigarren xedapenean zehaztutakoarekin bat etorriz.

Ez nago sartuta Euskal Autonomia Erkidegoko Administrazio Orokorrek edo erakunde autonomiadunek emandako ezaugarri bereko beste laguntza edo diru-laguntza batzuen esparruan hasi zen eta oraindik bideratzen ari den itzultzeko edo zigortzeko ezein prozeduratan.

Enpresari legez garraio-jarduera behin betiko lagatzeko konpromiso formala hartzen dut.

Beste garraio-enpresa baten gaikuntza profesionaleko titulua ez erabiltzeko konpromisoa hartzen dut.

Eskabideko datuak eta hari erantsitako agirietakoak egiazkoak dira.

Laguntza hauek jasotzeko indarrean dagoen legeriak ezarritako eskakizun guztiak betetzen ditud, hori egiaztatzen duen dokumentazio guztia daukat eta hitz ematen dut betetzen jarraituko dudala diru-laguntza horri dagokion denboran zehar.

VIII.– AGIRIAK ESKURATZEKO ETA EGIAZTATZEKO BAIMENA (markatu x batez).

Pertsona fisiko eskatzailearen nortasun-datuak egiaztatzea

Baimena ematen diot deialdi hau kudeatzen duen organoari, eskumenak dituen Administrazioan behar diren egiaztapen begiztapen lanak egin ditzan, baliabide telematikoek zein baliagarri dauden bestelako baliabideen bidez.

Hirugarrenen alta/aldaketa

Baimena ematen diot deialdi hau kudeatzen duen organoari, eskumenak dituen Administrazioan behar diren egiaztapen begiztapen lanak egin ditzan, baliabide telematikoek zein baliagarri dauden bestelako baliabideen bidez.

IX.– EGIAZTATZEN DEN DOKUMENTAZIOA (markatu x batez):

- a) Eskabide-orria behar bezala beteta.
- b) Nortasun agiri nazionalaren fotokopia, baldin eta hura lortzea ez badio baimendu organo kudeatzaileari.

- c) Eskatzaileak ordezkari bat beste pertsona edo entitate bati ematen badiu, horren ordezkariak aurkeztu egin beharko du ordezkari emateko agiria.
- d) Eskatzailea Euskal Autonomia Erkidegoan erroldaturik dagoela egiaztatzeko agiria, noiztik erroldaturik dagoen jasotzen duena.
- e) Azken hamar urteetan etenik gabe, autobusaren bidezko bidaiarien edo salgaien garraio publikorako indarreango baimen baten titular izana egiaztatzeko agiria gehienez ere hiru kopiarekin, Foru Aldundiak emana, edo, halaber, bi horiek batera izana, gehienez ere hiru kopiarekin.
- f) Azken hamar urteetan etenik, Gizarte Segurantzako langile autonomoentzako erregimenean alta emanda egon izanari buruzko egiaztapena,
- g) Beharrezkoa bada, ezgaitasun absolutua edo erabatekoa edo baliaezintasun handia aitortua izateari buruzko egiaztapena.
- h) Hirugarrenen alta edo horren aldaketaren fitxa, Ekonomia eta Ogasun sailak ezarritako ereduaren arabera; betiere, lehengoaz aurkezten diren edo banku-datuak aldaturik dituzten eskatzaileei dagokienez.

IX.– BEHIN EMANDA, DIRU-LAGUNTZA ORDAINTZEKO BEHARREZKOA DEN DOKUMENTAZIOA

- a) Foru aldundiak emandako baimenaren/en baja egiaztatzeko agiria, zeinetan baja hartzeko motibo gisa jarduera lagatzea zehazten den.
- b) Gida-baimenaren titularra izanez gero, baimendutako gehieneko 3.500 kg-ko masatik gorako ibilgailuak edo autobusak gidatzeko baimenari behin betiko uko egin izana justifikatzeko agiria, gida-baimen berriaren fotokopia konpultsatua

X.– DATU PERTSONALAK BABESTEA

Datu Pertsonalak Babesteko abenduaren 13ko 15/1999 Lege Organikoan (DBLO) esaten dena betetzeko, Eusko Jaurlaritzako Garraio Zuzendaritzak jakinarazten dizu eskabide honetan adierazi dituzun datuak bere titulartasuneko JARDUERA LAGATZEKO LAGUNTZAK izeneko fitxategian gordeko direla. Fitxategia laguntza espedienteak kudeatzeko erabiliko da, Datuak Babesteko Euskal Agentziari jakinarazi ondoren. Fitxategiak segurtasun-neurri egokiak dauzka datuen segurtasuna bermatzeko. Legezko kasuetan izan ezik, datuok ez zaizkie emango hirugarrenei. Izaera pertsonaleko datuen babesari buruzko arautegiaren arabera, zeure datuak ikusteko, ezabatzeko, zuzentzeko eta haien aurka egiteko eskubideak erabil ditzakezu, berariaz onartuta baitago DBLOan, eta horretarako Eusko Jaurlaritzako Etxebizitza, Herri Lan eta Garraio Saileko Garaio Zuzendaritzara jo behar duzu: Donostia kalea 1, Gasteiz 01010.

Halaber, banku-datuak eta posta komunikazioetarako datuak Kontrol Ekonomikoko Bulegoak ordaintzeko egiteko kudeatzen duen hirugarrenen erregistroan gordeko direla jakinarazten dizugu.

Administrazio Publikoak erkatu egin ahal izango ditu aurkeztutako datuak, bai eta egoki irizitako egiaztapenak egin ere, laguntza behar bezala esleitzeko.

Data:

Sinadura: